

TROISIEME PATRIE

nous navigons plus a l'Est, alors nous viendrons au Weygat. Et quand nous ne les pouvions persuader par paroles rudes, nous leurs avons confédé vn rhombe, & avons navigé vers Nordest quart au Nord, ou on eusse navigé autrement vers Nordest, voire encor plus a l'Est,

Pourtraict d'un merueilleux Asteore, veule 4. Tour de Iuin, en l'an 1596. car a chaque costé du Soleil, estoit vn autre Soleil luissant: & deux arcs du ciel passans par les trois Soleils: puis apres encor deux arcs au ciel, desquels l'un estoit ample a l'entour du Soleil, & l'autre traversa le grand rond: & le bord inferieur du grand rond estoit eslevé de dessus l'horizon en 23 degrez.



5. de Iuin. Le 5. de Iuin veismes la premiere glace, dont fusmes bien esbahys, cuydans & premierement que cestoyent blés Cygnes: car l'un des nostres pourmeant sur le tillac, començoit a crier subitement a haute voix, Voyla nager des blancs Cygnes. Nous qui estions dessous, oyans tel cry, sommes en haste tous leués, & veismes que cestoit glace, laquelle estoit separee du grand monceau, & sembla estre des Cygnes: & estoit sur le soir. La minuit & sômes passés, & le Soleil estant au Nord, estoit eslevé vn degré dessus l'horizon.
6. de Iuin. Le 6. de Iuin environ les 4. heures du soir, vintmes de rechef entre les glaçons, & estoient si forts, que nous ne les pouvions passer, & navigames au Sudouest quart a Ouest, l'espace de la tournée de 8. fois l'horloge a sablon. Apres avons de rechef navigé nostre cours vers Nordnordest, le long la glace.
7. de Iuin. Le 7. de Iuin avons mesuré la hauteur du Soleil: lequel estoit eslevé dessus l'horizon 38. degrez 38. minutes: la declinaison estoit 12. degrez 38. minutes: laquelle deduite de la dite hauteur, restent 16. degrez. Lesquels deduits de 90. degrez, restent 74. degrez. pour la hauteur du Pole. Illec avons trouvé tant de glace, que malaisément on le pourroit dire. Nous y navigames entre deux, comme si nous eussions navigé entre deux terres: l'Eau estoit verte comme l'herbe, & avions opinion que nous fusmes apres de Groenlande, & nous vintmes continuellement entre glaçons plus espés.
8. de Iuin. Le 8. de Iuin vintmes a vne quantité de glace si grande que nous n'y pouvions passer a voile, tant estoit elle espesse: parquoy nous l'avons tournée vers Sudouest quart a Ouest, l'espace de la tournée de l'horloge a sablon deux fois: & puis apres vers Sudindouest l'espace de 3. tournées de l'horloge a sablon: & lors l'espace de 3. tournées, vers le Sud, tant pour naviger a l'Isle que nous veismes, que pour éviter la glace,
9. de Iuin. Le 9. jour de Iuin, avés trouvé l'Isle, située souz la hauteur du Pole, de 74. degrez 30. minutes: & selon nostre coniecture